

MØTEPROTOKOLL

Organ	Fylkestinget
Møtestad	Leikanger - fylkeshuset
Møtedato	26.04.2017
Kl.	13:00

År 2017, 26. april kl. 13.00, kom fylkestinget i Sogn og Fjordane saman til fylkesting på Fylkeshuset, Leikanger.

Medlemene i fylkestinget var kalla inn til fylkestinget ved e-post av 4. april 2017. Tingmøtet vart opna av fylkesordførar Jenny Følling. Ho las kunngjeringa og innkallinga til møtet. Kunngjeringa og innkallinga vart godkjend.

Representantane Aleksander Øren Heen og Karen Marie Hjelmeseter hadde meldt forfall til tingseta. I deira stad møtte 1. vararepresentant Per Atle Kjøllesdal og 6. vararepresentant Oddmund Klakegg. Fylkestinget godkjende forfallet til Heen og Hjelmeseter.

Det vart halde namneopprop og desse representantane møtte:

SENTERPARTIET:

Jenny Følling
Sigurd Erlend Reksnes
Gunn Åmdal Mongstad
Anders Ryssdal
Arnstein Menes
Ole Johnny Stubhaug
Gunn Karin Sande
Erlend Haugen Herstad
Per Atle Kjøllesdal
Oddmund Klakegg

ARBEIDERPARTIET:

Åshild Kjelsnes
Hilmar Høl
Helen Hjertaas
Torbjørn Vereide
Harald Bjarte Reite
Karianne Torvanger
Henrik Oppen
Odd Atle Stegegjerdet
Senea Sabanovic

HØGRE:

Noralv Distad
Sonja Merethe Øvre-Flo
Bjørn Erik Hollevik
Anne Kristin Lilleaasen

FRAMSTEGSPARTIET:

Frank Willy Djuvik
Marita Gunn Aarvik



VENSTRE:

Gunhild Alis Berge Stang
Alfred Bjørlo

KRISTELEG FOLKEPARTI:

Trude Brosvik
Jon Olav Kvamme

SOSIALISTISK VENSTREPARTI:

Jakob Andre Sandal

MILJØPARTIET DEI GRØNE:

Stein Faleide Malkenes

Fylkesordføreren sa møtet lovleg sett.

Fylkestinget song første verset av «Gud signe vårt dyre fedreland».

Etter framlegg frå fylkesordføreren valde fylkestinget Svein Hågård og Marit Silje Husabø som sekretariat.

Representantane Anne Lilleaasen og Torbjørn Vereide vart valde til å godkjenne møteboka på vegner av fylkestinget.

Fylkesrådmann Tore Eriksen var til stades, med unntak av under handsaminga av sak 11/17, der han gjekk frå.

Fylkesordføreren opplyste at sakene var sendt ut slik:
Sakene 4 til 9/17 Sendt ut 11. april 2017
Sakene 10 og 11/17 Sendt ut 21. april 2017

Saklista vart godkjend.

Ordfører i Leikanger, Jon Håkon Odd, helsa fylkestinget.

Den nyoppretta Kulturlandskapsprisen vart for 2016 delt ut til Leif Magne Sylvarnes.

Fylkestinget vedtok at sak 11/17 skulle handsamast bak lukka dører, jf. kommunelova § 31, nr. 3.

SAK 4/17 Årsmelding 2016 - Kontrollutvalet

VEDTAK:

1. Årsmelding 2016 for kontrollutvalet vert teken til orientering.
-



SAK 5/17 Regionalt forskingsfond Vestlandet - årsrapport 2016

VEDTAK:

Fylkestinget tek årsrapporten frå arbeidet i Regionalt forskingsfond til vitande.

SAK 6/17 Årsrapport 2016 - konsesjonskraft og finansportefølje

VEDTAK:

Fylkestinget tek årsrapporteringane for 2016 på konsesjonskrafta og finansporteføljen til orientering.

SAK 7/17 Innovasjon Norge - framlegg til nye vedtekter

VEDTAK:

Fylkestinget i Sogn og Fjordane godkjenner framlegg til nye vedtekter for Innovasjon Norge dagsett 17.03.2017.

SAK 8/17 Program for folkehelsearbeid 2017

VEDTAK:

1. Sogn og Fjordane fylkeskommune søker om å bli programfylke for folkehelse i kommunane i Sogn og Fjordane.
 2. Regionalt samarbeid i prosessen er sett på som ein fordel frå Helsedirektoratet si side. Sogn og Fjordane fylkeskommune samarbeider med Hordaland fylkeskommune i programarbeidet. Denne prosessen vil gje avklaring på om vi sender ein felles søknad om midlar til dei to fylka, eller om det er mest tenleg med to separate søknadar.
 3. Fylkesrådmannen får fullmakt til å signere søknad til Helsedirektoratet.
-

SAK 9/17 Avtale om utbygging, finansiering og overtaking av ny veg til Skipavika i Gulen kommune



VEDTAK:

1. Det vert løyvd 6 mill. kr i tilskott til Skipavika Næringspark AS til bygging av ny veg til Skipavika i Gulen kommune. Løyvinga vert finansiert med bruk av disposisjonsfond.
2. Fylkestinget legg vedlagte avtale mellom Sogn og Fjordane fylkeskommune, Skipavika Næringspark AS og Gulen kommune om utbygging, finansiering og overtaking av ny veg til Skipavika i Gulen kommune til grunn for løyvinga.
3. Fylkestinget gir fylkesrådmannen fullmakt til å signere vedlagte avtale om utbygging, finansiering og overtaking av ny veg til Skipavika i Gulen kommune på vegner av fylkeskommunen.
4. Fylkestinget gir fylkesrådmannen fullmakt til å signere vedlagte avtale om overdraging av justeringsrett og -plikt ved overdraging av veganlegg – Veg til Skipavika i Gulen kommune på vegner av fylkeskommunen.
5. Når ny veg til Skipavika er teken opp som fylkesveg, skal eksisterande fylkesveg 4 frå Ånneland til Skipavika, samt ferjekai, omklassifiserast til kommunal veg i den stand vegen og kaia er på overføringstidspunktet.

SAK 10/17 Forvaltningsrevisjon - Kulturminneforvaltninga i Sogn og Fjordane fylkeskommune - rapport

Gunhild Berge Stang bad om å få habiliteten sin vurdert. Fylkestinget fann samrøystes Stang habil til å ta del under handsaminga av saka.

Frå kontrollutvalet låg det føre slik tilråding til vedtak:

1. Fylkestinget tek rapporten etter gjennomført forvaltningsrevisjon av kulturminneforvaltninga til etterretning.
2. Fylkestinget ber fylkesrådmannen:
 - a. Gjennomføre risikoanalyse for å kartlegge om kulturminne av regional verdi eventuelt kan stå i fare for å gå tapt. Basert på ei slik analyse kan fylkeskommunen vurdere om det er kulturminne som bør følgjast særskilt opp.
 - b. Betre rapporteringa knytt til kulturminneforvaltninga for å sikre:
 - i. Informasjon om omfanget av vesentlege oppgåver fylkeskommunen eventuelt ikkje lukkast med å gjennomføre eller strevar med å gjennomføre
 - ii. Informasjon om avvik i høve til måloppnåing
 - c. Bidra til å sikre sams praksis, kvalitet og effektiv sakshandsaming ved evaluering av eksisterande malar og rutinar.
 - d. Utarbeide skriftlege rutinar som sikrar kvalitet i arbeidet med kulturminneforvaltninga
3. Fylkestinget ber fylkesrådmannen rapportere status på oppfølginga til kontrollutvalet innan utgangen av 2017

Endringsframlegg:

Arbeidarpartiet og Senterpartiet sette fram slikt framlegg til endring i tilrådinga frå kontrollutvalet:

Pkt. 2a)



Fylkestinget ber fylkesrådmannen vurdere om det er naudsynt å gjennomføre risikoanalyse for å kartlegge kulturminne av regional verdi. Vurderinga vert lagt fram for fylkesutvalet som får fullmakt til å ta avgjerd.

2b) Går ut.

Avrøysting:

Punkt 2a i tilrådinga frå kontrollutvalet fekk 10 røyster.

Punkt 2a i framlegget frå Arbeidarpartiet og Senterpartiet fekk 21 røyster og vart vedteke.

Punkt 2b i tilrådinga frå kontrollutvalet fekk 12 røyster.

Punkt 2b i framlegget frå Arbeidarpartiet og Senterpartiet fekk 19 røyster og vart vedteke.

Punkta 1, 2c, 2d og 3 i tilrådinga frå kontrollutvalet vart samrøystes vedtekne.

Dette gir følgjande VEDTAK:

1. Fylkestinget tek rapporten etter gjennomført forvaltningsrevisjon av kulturminneforvaltninga til etterretning.
2. Fylkestinget ber fylkesrådmannen:
 - a. Vurdere om det er naudsynt å gjennomføre risikoanalyse for å kartlegge kulturminne av regional verdi. Vurderinga vert lagt fram for fylkesutvalet som får fullmakt til å ta avgjerd.
 - b. Bidra til å sikre sams praksis, kvalitet og effektiv sakshandsaming ved evaluering av eksisterande malar og rutinar.
 - c. Utarbeide skriftlege rutinar som sikrar kvalitet i arbeidet med kulturminneforvaltninga
3. Fylkestinget ber fylkesrådmannen rapportere status på oppfølginga til kontrollutvalet innan utgangen av 2017

SAK 11/17 Søknad om forlenga åremålsstilling

VEDTAK:

1. Tore Eriksen får fornya åremål som fylkesrådmann med ein periode på ca. 2 år frå og med 10.04.18 til og med 31.03.20.
2. Etter avslutta åremål vil Tore Eriksen få rett til fast stilling i fylkeskommunen. Løns- og arbeidsvilkår for ei eventuell rådgivarstilling vert å avtale seinare.

Fylkesordføraren takka fylkestinget og dei som hadde teke del i avviklinga av tingseta.

Fylkesvaraordføraren takka fylkesordføraren for god møteleiing.

Fylkestinget song "Vil Gud ikkje vera bygningsmann".

Fylkestinget 26. april 2017 på Fylkeshuset, Leikanger kommune, var slutt kl. 15.30



SOGN OG FJORDANE
FYLKESKOMMUNE